

Milosevićeva propaganda u sudnici

Kontekst video snimka na kojem se Paddy Ashdown pokazuje kako rukuje oružjem, a koji je tokom jučerašnjeg suđenja bivšem jugoslovenskom predsjedniku Slobodanu Miloševiću prikazan u Međunarodnom tribunalu za ratne zločine u Hagu, namjerno je prezentiran pogrešno.

U pitanju su video snimke koje su snimljene tokom posjete Lorda Ashdowna Jugoslaviji u septembru 1998. Lord Ashdown je tada posjećivao Kosovo kao službeni izaslanik Vlade Ujedinjenog Kraljevstva a uz punu saglasnost beogradskih vlasti od kojih je ranije dobio vizu.

Lord Ashdown je 28. septembra, u pratnji zvaničnika Ambasade Velike Britanije u Beogradu, UNHCR područnog službenika, te timom BBC -a, posjetio nekoliko sela u blizini Mališeva i regiona Suve Reke. Tokom ove posjete prošli su pored male grupe vojnika Oslobodilačke vojske Kosova i tom prilikom je najvjerojatnije snimljen dio video snimka prikazanog jučer.

Kasnije su se zaustavili u selu gdje im je nekoliko Albanaca pokazalo oružje koje su prikupili za predaju srpskoj vojsci. Tu je snimljen drugi dio video zapisa.

Seljaci su tvrdili da je oružje bilo dio iznuđenog reketa. Prema kazivanju seljaka, srpska vojska je išla da razdvaja sela tražeći od njih da predaju svoje oružje. Ako ga nisu imali, Srbi bi prijetili uništavanjem sela. Seljaci kažu da su bili prisiljeni da kupuju oružje na crnom tržištu. U nekim slučajevima Srbi su ostavljali sela na miru, ali većinom su ih svakako spaljivali. Srbi su onda prodavali oružje ponovno na crnom tržištu kako bi sljedeće selo, kojem su prijetili, imalo dovoljno oružja za kupovinu.

Oružje koje je prikazano na video snimci je uglavnom bilo

kineska replika ruskih Kalashnikova i Simonov jurišnih pušaka. Tri su bile apsolutno neupotrebljive, dvije je trebalo očistiti prije nego bi se mogle koristiti, a ostale su bile zardale te se nisu mogle upotrijebiti.

Komentirajući video snimak, Lord Ashdown je rekao: "Gospodin Milošević je još jednom pokazao da se teško osloboditi starih navika: njegovo razbacivanje poluistinama u svrhu vlastitog političkog preživljavanja je dobro poznato. To mu je pomagalo da mnogima baca prašinu u oči tokom zadnje dvije decenije.

Detalji ove posjete su dostupni javnosti i objavljeni su u "Ashdownim dnevnicima", Svezak II.